



Republika e Kosovës – Republika Kosova  
Paneli Zgjedhor për Ankesa dhe Parashtrësia  
Izborni Panel za Žalbe i Predstavke

Anr. 410/2014

Paneli Zgjedhor për Ankesa dhe Parashtrësia (PZAP), i përbërë nga gjyqtarët: Ferit Osmani Kryesues, Ymer Hoxha dhe Rafet Haxhaj anëtarë, duke vendosur përkitazi me ankesën e parashtruar nga kandidatja për deputete për Kuvendin e Republikës së Kosovës Kosovare Azemi nga subjekti politik Lidhja Demokratike e Kosovës (LDK) dega në Kllokot, paraqitur kundër Rezultatit Përfundimtar të Publikuar nga Komisioni Qendror Zgjedhor (KQZ), me datë 26.06.2014, për Zgjedhjet e Parakohshme Parlamentare, në seancën e panelit të mbajtur me 30.06.2014, mori këtë:

### VENDIM

**Refuzohet** si e pabazuar ankesa e Kosovare Azemi kandidate për deputete për Kuvendin e Republikës së Kosovës nga radhët e LDK-së, dega në Kllokot.

### Arsyetim

PZAP-i, me datën 27.06.2014 në ora 12:43 ka pranuar një ankesë nga Kosovare Azemi kandidate për deputete për Kuvendin e Republikës së Kosovës nga radhët e LDK-së, në të cilën ankesë pretendohet se sipas informatave që ka në të gjitha Qendrat e Votimit QV nëpër komuna ka tubuar rreth pesë mijë vota, ndërsa nga rezultatet përfundimtare të shpallura nga KQZ-ja ka vetëm 4279 vota. Parashtruesja e ankesës kërkoi që në të gjitha Qendrat e Votimit QV të rishikohen të gjitha votat e saj.

Në cilësi të provës parashtruesja e ankesës nuk e ka bashkangjitur asnjë provë.

PZAP-i, pasi që shqyrtoj ankesën gjeti se:

### **ankesa është e pabazuar**

PZAP-i, konstatoi nga shkresat e lëndës se pretendimet ankimore të Kosovare Azemit kandidate për deputete për Kuvendin e Republikës së Kosovës nga radhët e LDK-së, janë të pabazuara pasi që ankesa nuk e posedon asnjë dëshmi për ti vërtetuar pretendimet ankimore se është bërë ndonjë pa rregullsi siç ka potencuar në ankesë dhe për më tepër parashtruesja e ankesës nuk e ka bërë asnjë përshkrim të hollësishëm se ku mund të gjenden dëshmitë. Prandaj në kuptim të nenit 118 paragrafi 1 të LZP-së përcaktohet “PZAP-i i pranon ankesat e bazuara në fakte dhe refuzon ankesat të cilat nuk përmbushin standardet”, si dhe në bazë të nenit 3.6 pika c) të Rregullave dhe Proceduarave të PZAP-së parashihet “hollësi rreth çfardo dëshmie dhe kopje të

*çfardo dekomentacioni relevant apo dëshmi të tjera në posedim të ankuesit ose udhëzime se ku mund të gjenden dëshmitë, në rastet kur të njëjtat nuk janë në posedim të ankuesit” lidhur me ankesën e lartë përmendur u vendosë si në dispozitiv të këtij vendimi.*

**Paneli Zgjedhor për Ankesa dhe Parashtrësia**

Anr.410/2014 më datën 30.06.2014.



***Udhëzim Juridike:***

PZAP nuk do t'i pranojë kërkesat për ri-apelim, sepse vendimet e tij do të konsiderohen si përfundimtare. Prandaj, siç parashihet në Nenin 118.4 të LZP-së, *ankesa në Gjykatën Supreme të Kosovës mund të paraqitet brenda njëzetekatër (24) orëve nga momenti i marrjes së vendimit nga PZAP-i.*